

TAHSANNA NEI

Simmun 8: May 23, 2026





“Tahsan hi
kinepna
atahbeh a
lah a, muthei
lou thil ahisa
koi ding hi
ahi.”

(Hebrew 11:1)

Bible thu hetna, Bible sim le tao hin hinkho kikhelna ei neisah theina diuvin *“tahsanna”* toh akilhon jing angai e.

Tahsanna jaolouvin hetna le thil kibol jouse homkeo le tupbei asuohdoh ji tai.

Tahsanna toh akilhon tieng vang leh hiche hetna le thil kibol hin lhagao hinkho dinmun sang pen ei lhut ding u ahi, ajieh chu *“atahsan din ijakai ahithe sui suohkei e”* (Mark 9:23).



Tahsanna chuom chuom:

- ➡ Tahsanna le melchihna
- ➡ Tahsan teptena
- ➡ Tahsanna le geldan



Tahsanna hi ipi hin tem?


- ➡ Tahsanna leh ahung kipat dan
- ➡ Jesu tahsanna




TAHSANNA
CHUOM CHUOM

TAHSANNA LE MELCHIHNA

'Jesu'n ajah a, "Melchihna le thil kidang na mulouse'n tahsan po uvin nate" ati'. (John 4:48)



Melchihna hi Pathien akuon ahi ti photchietna dia muthei le hetthei a kitahlah thil kidang khat chu hiji a ahi. Melchihna hi thil kidang kibol jong ahina'n — Cana kho a Jesu thilbol bang a (John 2:11)— Sinai muol a Israel chate'n ngahmun akisiem uva apansat u jong chu melchihna khat in akisim pih in ahi (Exodus 3:12).



Pharisai hon ho chun Jesu hieng ah Messiah ahi photchietna ding le atahsan theina diuvin melchihna khat apieh din aathuum uve (Mark 8:11).



Jesu'n hiche miho'n tahsanna aneilouvu selmangna dia melchihna athuum u chu alungphatmopi in ahi (Mark 8:12). Ajieh chu tahsan nuomlou ho thununna ding melchihna kipelou ding ahi.



Pathien in Athuthieng le athilsiem ho a atahsan nuom din tahsan jieng theina bulhing set apiehsa ahitan ahi. Hinla, tahsanlel ding hol tei tei din jong mun aum kit e. Hijieh chun Jesu'n "*mulouva tahsan ho*" phattheina dei um tah ape'n ahi (John 20:29).

TAHSAN TEPTENA

"Pakai in, "Nang hon tahsanna ankammu te bep nei un lang, hiche thingtheimi khu 'Kibotdoh in lang tuikhanglien lailung a kiphut lut in' ti jong leu chun nathu u ngai jieng inte' " ". (Luke 17:6)

Tahsanna teptena chuom chuom aum e:



Solchah te tahsanna




"Tahsanna nanei nailou hiel u ham?" (Mark 4:40)

Peter tahsanna



"Vo tahsan lhom!" (Mt. 14:31)

Pa tahsanna



"Ka tahsanlel nei kithopi'n" (Mark 9:24)

Canaan numei nu tahsanna



"Numei, na tahsan alien e" (Mt. 15:28)

Sipai jalamkaipa tahsanna



"Israel chate lah a hitobang tahsan lien kamudoh poi" (Luke 7:9)

Stephen tahsanna



"tahsanna dimset mipa" (Acts 6:5)

Tahsanlelna jung akibodoh tieng tahsanna'n ahin luodim jieng ji tai. Ginchatlelna chu ol ol a tahsanna'n ahin luonkhum ding ahi. Ithuum ding u chu: "*Ka tahsan u khansah be'n*" (Lk. 17:5) hisah ding ahi.

Lhagao Thieng natcho vang leh Bible ikhuolgil vang u, chuleh Pathien toh nitin ikivop vang uva "*tahsanna akhan jing*" (2 Thess 1:3) imudoh thei ding u ahi.



TAHSANNA LE GELDAN

“Ijeh in em itile tahsan jal a, lungsiet man a huhhing chang nahi uvin, hiche hi nangho a kuon hilouva Pathien thilpieh ahibouve.” (Ephesia 2:8)

Tahsanna hi geldan mai mai ham, hetna kinei joh hija ham?

Iti nardonbut dem? “*KA GELDAN in huhhing kahi tai*” ti toh “*huhhing kahi KAHE TAI*” ti kikhe del ahi.

Abul in pan ute. Tahsanna hoi a hung kuondoh hin tem? Pathien a kuon ahin, eiho dia manbei thilpieh chu ahi (Rom. 12:3; Eph. 2:8).


Athilpieh ikisaan tieng u leh —tahsanna a ikipat doh tieng u—hichun lungsung kipa, cham, lhagao choldamna ahin lhut ji ahi.

Ahin tahsanna kiti hi geldan mai mai chu ahipon, “*ahimong e*”, “*hetchiet ahi*” kiti joh chu hija ahi (Heb. 11:1). Lungkuomsuo a kingai jong ahipoi; lhasam le geuchaova ium lai tah chu tahsanna sang pen nei ding phaata chu hija ahi.



**TAHSANNA HI
IPI HIN TEM?**

TAHSANNA LEH AHUNG KIPAT DAN



Hebrew 11:1, 3, chuleh 6 in tahsanna ipi ahi ase i e. Tahsanna kiti hi Pathien hetna dihtah nei a kuon umdoh thei a ahi. Ama Siempa le kipaman Pepa ahi ti ei hetdoh sah uve.

Hebrew lekhabu bung dangse a hin vetjui thei tah tahsanna mipa le minu ho thudol akisun in, kipaman inga jing lai uva ikitiilkhouna ding u ahung hi tai.

Ihet bang uvin, tahsanna kibang ihisuoh po uve. Ka tahsanna iti ka khantou sah ding ham ti hi itup pipen hisah ding ahi.

**"Tahsan hi kinepna atahbeh a lah a, muthei lou thil ahisa koi ding hi ahi."
(Hebrew 11:1)**



Tahsanna neocha hijong leh nei tei go'n (Mt. 17:20)



Tahsanna khansah din thuum in (Lk. 17:5)



Na tahsanna midang a kingai sah hih in (Mt. 25:8)



Bible sim jing in (Rom. 10:17)



Tahsanlelna lampi che hih in (Mark 9:23-24)



Lhagao Thieng kouna donbut in (Gal. 5:22)



Nitin hinkho'n tahsanna podoh in (2 Cor. 5:7)



JESU TAHSANNA

"Hiche a hin Jesu tahsan a Pathien thupieh chengse nit mithiengte din thuohhat angai e." (Thuphuon 14:12)

Jesu hung kit kuon chet a kitah tah a ana um mite kihetna thil 2 aum e: thupieh anit un (thupieh tuhdet le jui) chuleh Jesu tahsanna anei ui (Rev. 14:12).

Dan (Thupieh) le Gospel (tahsanna) hi kilhon khom ahi. Tahsanna neilouvin thupieh anit thei pon, thupih nitlouvin ka tahsan e ati thei poi. Ahin, "Jesu tahsanna" hi ipi chu hin tem?



Jesu le Athu a nun ding



Nitin Jesu toh phaath mankhom ding



Jesu alailung a koi jing ding



Tahsanna hinpi ding



Jesu chu tahsan kifulphuna hisah ding



Hinkho a Jesu kilahsah ding



Alungsiet thilpieh kisaan ding



Jesu tahsanna inei vang un thiem chansah (Rom. 5:1), suhthieng (Acts 26:18) chule Pathien cha (John 1:12) a kisim ihi ta uve.

“Chuti chun lam dih a napui tou tou diuvin Pakai Jesu tahsan un. Aman na khut achal jing in, na kalsuon chan a lungmuon le thahat nanei ding ahi. Nangma *“lhai in natin, ahin natha chollou ding; lamjot in natin, ahin lhasamlou ding nahi”*.

Ajieh chu Christa khut a um nahi tahsan vang a nahin kihetdoh ding ahi. Lhahdaina’n naluonkhum lou ding, Christa najui a, nahetbe chan a, tahsanna naneibe ding, ama tahsan te nungsun ngailouPa chu nang panpi ahi ti nahi kimudoh ding ahi.”

EGW (Our Father Cares, October 27)